

## ԱՐԴԻ ՀԱՅԵՐԵՆԻ ԱՄԱԿԱՆԻ ԿԱԶՄՈՒԹՅԱՆ ՇՈՒՐՋԸ

Վ. Ա. ՔՈՍՅԱՆ

Ժամանակակից հայերենում ածականը կազմության տեսակետից միատարր չէ. այն ներկայացնում է բազմազան ձևերի մի սիստեմ: Դա պայմանավորված է հայերենի քերականական կառուցվածքի յուրահատկությամբ, իսկ այն առաջացել է, մի կողմից, գրարարի և, մյուս կողմից, խոսակցական լեզվի քերականական կառուցվածքի կական կողմերի համադրումով:

Հայտնի է, որ ածականները կազմությամբ լինում են պարզ կամ արմատական և բաղադրյալ, այն է՝ ածանցավոր և բարդ: Պարզ կամ արմատական ածականները յուրաքանչյուր լեզվում սակավաթիվ են, որը պայմանավորված է տվյալ լեզվի նախնական բառային կազմի աղբյուրությամբ: Հայերենում պարզ ածականները քերականական ձևով նման են գոյականներին: Գրաբարում ածականները հոլովվում էին գոյականների նման, չունենալով հոլովման առանձին սիստեմ: Գրարարի ածականը գոյականի հետ գործածվելիս մեծ մասամբ համաձայնվում էր նրա հետ: Հետագայում հայերենը կորցրեց ածականների այդ առանձնահատկությունը, և ածականներն իրենց ձևով ոչնչով չեն տարբերվում գոյականներից: Սակայն ածականների մի մասը քերականական տեսակետից ունի մի յուրահատկություն, որով տարբերվում է խոսքի մյուս մասերից. դա համեմատության աստիճաններ ունենալն է:

Պարզ ածականների պակասը լրացնում են բաղադրյալ ածականները, որոնք կազմվում են խոսքի տարրեր մասերից՝ ածանցման և բառարարղացման ճանապարհով:

Բաղադրյալ ածականները ժամանակակից հայերենում մի քանի տասնյակ անգամ ավելի շատ են, քան պարզ կամ արմատական ածականները, և դա հասկանալի է: Որքան մարդ շատ հատկանիշներ է ճանաչում, այնքան շատ ածականներ են ստեղծվում (եթե չհաշվենք բառիմաստի փոփոխությունների հետևանքով այլ խոսքի մասերի, գլխավորապես՝ գոյականների փոխանցումները ածականի, բայց նման դեպքերն էլ սակավաթիվ են):

Ածականները բաժանվում են երկու խմբի՝ որակական, որոնք ցույց են տալիս առարկաների որակը, հատկանիշը՝ իրեն նրա ատրիբուտը. որն անբաժանելի է նրանից, և հարաբերական՝ երկու ենթատեսակով՝ բուն հարաբերական, որը ցույց է տալիս առարկայի նյութեղեն հիմքը, ինչից լինելը, և հատկացական, որը նշում է առարկայի վերաբերումը, հատկացումը այլ առարկայի կամ երևույթի: Ածականների այս երկու խմբերի միջև կա արմատական տարբերություն: Այդ այն է, որ որակական ածականները, իրեն առարկաների տարբեր որակներ արտահայտող բառեր, կարող են ունենալ հատկանիշի տարբեր աստիճաններ ցույց տվող ձևեր, մինչդեռ հարաբերական և հատկացական ածականները, իրեն առարկայի նյութեղեն հիմքը կամ վերաբերումը արտահայտող բառեր, չեն կարող ունենալ տվյալ հատկանիշի տարբեր աստիճաններ ցույց տվող ձևեր, բանի որ այդպիսի չկան. որևէ առարկայի, ասենք, նյութեղեն հիմքը տարբեր աստիճանի չի լինի: Եթե ասում ենք՝ «Սա փայտն է», ապա ի նկատի ունենալով տան նյութը, որը փայտն է, իսկ փայտն ածականը չի կարող ունենալ համեմատության աստիճաններ:

Որակական ածականները կազմությամբ լինում են ինչպես պարզ (բոլոր պարզ ածականները որակական են), այնպես էլ ածանցավոր և բարդ. իսկ հարաբերական ածականները պարզ չեն լինում, այլ ածանցավոր, երբեմն նաև բարդ:

Արդի հայերենում գործուն են մի շարք ածականակերտ ածանցներ, որոնց մի մասը այդպիսին է եղել նաև զրաբարում: Ածականակերտ ածանցները լինում են նախածանցներ և վերջածանցներ: Հայերենի բուն նախածանցները՝ ան, ապ, տ, դժ, չ, հիմնականում ածականներ են կազմում գոյականներից, բայարմատներից, ինչպես նաև այլ խոսքի մասերից: Այդ ածանցները զրվում են ինչպես պարզ կամ արմատական բառերի, այնպես էլ ածանցավոր բառերի վրա՝ միտելով որևէ հատկանիշի գոյությունը տվյալ առարկայի կամ երևույթի մեջ: Այս խմբում էլ

ժխտական նախածանցով կազմված ածականները ըստ էության ոչ թե հատկանիշ են ցույց տալիս, այլ հատկանիշի բացակայությունը, որը գիտակցվում է իրրե հատկանիշ (չունենալն էլ հատկանիշ է)։ Սրանցից առավել գործուն է ան-ը, որով կազմվել և կազմվում են հարյուրավոր ածականներ։ Օրինակ՝ անտեր, անտուն, անհաց, անարյուն, անմայր, անջուր, անողորմ, անխոս, անհյուրասեր, անզգա և այլն։ Համեմատաբար սակավաթիվ ածականներ են կազմվում ժխտական ժյուս նախածանցներով։

Ածականներ են կազմվում նաև հունարան դպրոցի ստեղծած մի շարք նախդիրներով (դրանց մի մասը հետագայում գոյական է դարձել)։ Ածական են կազմվում արտ—, բաղ—, բաց—, զեր—, բեր—, հակ—, համ—, ներ—, վեր—, հար—, մահ—, ստոր—, տար—, նախդիրները (արտակարգ, սրտառոց, արտասովոր, արտաժամյա, արտադպրոցական, բաղաձայն, բացակա, բացասական, զերադաս, զերսծավալ, զերամեծար, զերբնական, զերմարդկային, բերուս, հականիշ, հակադարձ, հակամարտ, հակազգային, հակամարդկային, համատարած, համապարփակ, համամիտընկալ, հարակից, մակարոյծ, ներդաշնակ, ներկուսակցական, ստորերկրյա, ստորջրյա, վերստուգիչ, տարօրինակ, տարամերձ և այլն)։

Վերջածանցներն ավելի շատ են և միաժամանակ ավելի գործուն։ Ածականակերտ վերջածանցները լինում են երկու տեսակ՝ որական ածականներ կազմող և հարաբերական ածականներ կազմող։

Հարաբերական ածականներ կազմող ածանցները շատ սահմանափակ են։ զրանց թիվը 7—8-ից չի անցնում, որոնցից բուն հարաբերական են կազմում —յա, —ե, —եղև, հատկադական՝ —ական, —ալին, —ենի, —երև, —աբև, —յան, —յա ածանցները։ Այդ ածանցներով են կազմված արծաթե, ոսկե, մորթե, փայտե, պողպատե, ծովափնյա, երկամյա, սևաշյա, լուսեղեն, բուրդեղեն, հրեղեն, հայրական, հայկական, մարմնական, ծովային, մրերային, լեռնային, դաշտային, հայրենի, վայրենի, հայերեն, ուսերեն, լեհիկյան, մարսյան, աշակողմյան, հունվարյան և այլն։ Մական այս ածանցներով կազմված բազմաթիվ ածականներ վերածվել են գոյականի և այժմ չեն գիտակցվում իրրե ածական։ Այդպես են՝ ազգակոտ, առևտրական (կա և՛ իրրե ածական, և՛ իրրե գոյական), օտարական, գիտնական, հանդիսական, զորական, պաշտոնյա, միջօրե, շինական, վկայական, խնձորենի, սամուրենի։ Ածականի փոխանցումը գոյականի պայմանավորված է նրա շարահյուսական կիրառության առանձնահատկությամբ։ Ածական իրրե որոշիչ գործածվելով կարող է արտահայտել նաև իր որոշյալի իմաստը։ Այդ պատճառով էլ հաճախ որոշիչը միայնակ հանդես է գալիս որոշյալի փոխարեն և բժրվում իրրե գոյական։ Բայց դա հաճախ էլ այն բանին, որ ածականը վերածվում է գոյականի։ Հետագայում էլ, գոյական դարձած ածականների նմանակությամբ, ստեղծվում են նոր գոյականներ՝ համապատասխան ածականակերտ ածանցներով։

Այս ձևով են կազմվել ամանեղև, նպարեղև, ակնեղև և այլ գոյականներ։

Ավելի շատ են որական ածականներ կազմող վերջածանցները։ Դրանք դրվում են գոյականների, բայարմատների կամ բայահիմքերի, ածականների և այլ խոսքի մասերի վրա՝ ցույց տալով զանազան հատկանիշներ, իսկ երբեմն էլ՝ հատկանիշի տարրեր աստիճաններ։ Որական ածական կազմող մոտ 30 վերջածանցներից գործուն են՝ —ատ, —գին, —գույն, —եղ, —իկ, —կոտ, —ովի, —ոտ, —որդ, —ուն, —վետ, (—ավետ), —վոր, (—ավոր) և այլն։ Որոշ մասն էլ արտադրողական են եղել զրաբարում, և արդի գրական լեզվում կան դրանցով կազմված բազմաթիվ ձևեր՝ ձուլածո, կոփածո, չափածո, բաժնո, հանածո, շինծո, հստո, քսո, աշտո, ահարկո, արյունարբո, վայելուչ, սրտառուչ և այլն։

Այս ածանցներով կազմված ածականների զգալի մասը նույնպես այժմ գոյական է դարձել։ Նման գոյականներից շատերի մեջ ածանցն այնպես է ձուլվել արմատին, որ արտաբնական դժվար է այն ճանաչել։ Այսպես են իշխան, պատվիրան, բացատ, հեղուկ, զեռուն, մածուն և այլն։ Մի շարք բառեր էլ հետագայում սրանց նմանակությամբ կազմվել են միանգամից իրրե գոյական։ Այսպես են՝ հեծկուկ, վիպասան, սավառնորդ, հանելուկ, հորձանուտ և այլն։

— Գույն ածանցը կազմում է գերադրական աստիճան այնպես, ինչպես ամեն բառը բարդություն կազմելով։ Ամեն բառը գտնվում է ինքնուրույն բառից ածանցի վերածվելու պրոցեսում։

Ածականակերտ ածանցները դրվում են գոյականի, բայի, ածականի, դերանվան և այլ խոսքի մասերի վրա։ Այսպես, գոյականներից են կազմված հայրական, մարմնական, ծովային, լեռնային, մարսյան, փետրվարյան, արծաթե, հրեղեն, ծովափնյա, լեզվանի, գունատ, պոչատ, անվանի, կեղտոտ, մոտ, հողոտ, բարոտ, ցավոտ, մեղավետ, պողպատ, հացավետ, փառավոր, կոհեղավոր և այլն։ Բայարմատից կամ բայահիմքից են կազմված՝ ձուլածո, կոփածո, տաշածո,

բաժնի, շինծու, վազան, կծան, շրջիկ, անառիկ, ուռուցիկ, մածուցիկ, բերացիկ, ամաշկոտ, բարկացկոտ, գալաղկոտ, տվովի, բնորովի, հնարովի, ծալովի, հատու, աշառու, անաբու, բանուկ, կտրուկ, դիպուկ, վաղանցուկ, խոսուն, գիտուն, շարժուն, զգայուն, կայուն, տոկուն, փմացկուն, կանգուն, ունեւոր, անցավոր և այլն:

Մի շարք ածանցների, զրվելով ածականների վրա, ցույց են տալիս հատկանիշի զանազան աստիճաններ: Գրանք հնում եղել են ածականների համեմատության աստիճանների գրեթե ամեն միջոց, սակայն հետագայում նվազել է դրանց սաստկացնող նշանակությունը, և այժմ այդ ածանցներով կազմված ածականների մեջ այն չի գիտակցվում: Այդ է պատճառը, որ նման ածանցներով կազմված ածականները արդի դրական լեզվում շատ հաճախ հանդես են գալիս համեմատության աստիճանների կազմության նոր ձևերով: Ածականների վրա զրվում են —ակ, —անի, —աշ, —գին, —իկ, —ին, —ուկ, —ուշ, —վոր, (—ավոր), —վուն, (—ավուն), —գուն ածանցները: Այսպես, օրինակ՝ կան կլոր և կլորիկ, կապույտ և կապույտակ, հաջող և հաջողակ, զեղեցիկ և զեղանի, քրո և քրվաշ, մատաղ և մատաղաշ, մոլի և մոլեգին, փոքր և փոքրիկ, մանր և մանրիկ, բաղդ և բաղդիկ, անհնար և անհնարին, խոր և խորին, դժվար և դժվարին, տաք և տաքուկ, զեր և զիրուկ, սև և սևուկ, վայել և վայելուշ, անտեր և անտերունշ, հաստ և հաստավուն, բարակ և բարակավուն, կարն և կարնավուն, կարմիր և կարմրավուն և այլն: Այժմ էլ այս ածանցներով կազմված և համապատասխան պարզ ածականների միջև զգացվում է համեմատության աստիճանի երանգային տարբերություն. այնուամենայնիվ դրանք հիմնականում գիտակցվում են իրենց զրական աստիճան, և այդ ձևերից կազմվում են համեմատության աստիճաններ (փոքրիկ — ավելի փոքրիկ — շատ փոքրիկ — չափազանց փոքրիկ — ամենափոքրիկ, տաքուկ — բավական տաքուկ — ավելի տաքուկ — շատ տաքուկ և այլն):

Արդի հայերենում ածական են դարձել գրաբարի ապառնի դերբայի —ի-ով վերջավորվող, անցյալ դերբայի, ինչպես նաև ներկա դերբայի —իչ-ով վերջավորվող բազմաթիվ բարացած ձևեր: Այսպես, ածական են՝ ցանկալի, բաղձալի, հուսալի, զարմանալի, սիրելի, բուժելի, անցյալ, կարծեցյալ, տառապյալ, սառուցյալ, նետալ, կատարյալ, բովիշ, կիզիշ, մխրթարիշ և այլն (իհարկե նման բազմաթիվ ձևեր գոյական են դարձել, ինչպես՝ գրիշ, գործիշ, բնիշ, նկարիշ, օւտուիշ, հայելի, ածելի, ունելի, բանալի, նեճյալ, նեճեցյալ և այլն):

Հետագայում դերբայական այս ձևերի նմանակությամբ կազմվել են նոր ածականներ —իշ, —ի, —յալ մասնիկներով, որոնք արդեն սկսել են գիտակցվել իրենց ածականակերտ ածանցների: Այդպես են՝ կազմակերպիշ (որ նույնիսկ գոյական է դարձել), զավթիշ, մարգիշ, կազդուրիշ, անջատիշ, սահմոկեցուցիշ, խոտելի, ստորադրյալ և այլ ածականներ:

Այս կազմությունն ունեցող մի շարք ձևեր գիտակցվում են որպես գոյական, ինչպես՝ վարիշ, կառավարիշ, բողարկիշ, հրատարակիշ և այլն:

Ածականների կազմության բավական շատ տարածված եղանակ է բառաբարդացումը: Գրական լեզվում ածականներ կազմվում են տարբեր խոսքի մասերի բարդությամբ, ածական-գոյական, ածական-բայ, գոյական-բայ, դերանուն-բայ և այլն:

Գոյականների կրկնությամբ (հարադիր, կցական և իսկական բարդություններով) կարող են կազմվել ածականներ, ինչպես՝ փունջ-փունջ, տեսակ-տեսակ, պուտ-պուտ, գունդ-գունդ, գույ-նրգույն, պեսպես, զանազան և այլն:

Ածականների կրկնությամբ արտահայտվում է հատկանիշի աստիճանավորում: Այսպես, կրկնությամբ են կազմվել՝ ծասր-ծանր (շատ ծանր), բարձր-բարձր, պտոր-պտոր (շատ պտոր), երկար-երկար, տաք-տաք, լիք-լիք: Բավական շատ են այն կրկնավոր ածականները, որոնցում առաջին, երբեմն էլ երկրորդ բաղադրիչը հնչյունափոխության է ենթարկվում, օրինակ՝ մանր-մունր, հապտաբևտ, ոլոր-մոլոր, սեիկ-մեիկ, սուտ-մուտ, լեվ-լեցուն, կուս-կուրմիր, վառվառն, խառնիխոռն: Երբեմն էլ բաղադրիչները չեն փոփոխվում՝ շարաշար, ջերմաջերմ, մեծամեծ և այլն:

Ածականներ ամենից շատ կազմվում են իսկական բարդությամբ:

Իրեն կանոն, ածական են լինում այն բոլոր բարդությունները, որոնց առաջին բաղադրիչն ածական է: Այսպես, ածականից և գոյականից են կազմված՝ սեաներ, զանգրաներ, մեծամիտ, զեղեցկաղեմ, նեղսիրտ, լայնալիք, կանաչագեղատ, հաստազլուխ, ծանրամարմին, երկարավիզ և այլն: Ածականից և բայից են կազմված՝ սրնբույց, կարնատես, ծանրաշարժ, շփեղազարդ, բարձրագնաց, ճշմարտախոս, արդարադատ և այլն:

Գոյականից և բայից են կազմված՝ հայրենասեր, ազգատյաց, ցավատանջ, արյունախում, երկնապագ, սրախողխող, նյութակոտոր, անդամալույծ, հուսահատ, քնարափ, ջրատար, ալն-զառդ, ձյունապատ և այլն:

կան մի շարք բարդություններ, որոնք ածականից վերածվել են գոյականի (ծկնորս, մառնե-  
նազիր, բարեգործ, ձեռագիր, հողածին, չրաղաց և այլն)։

Ածականներ են կազմվում նաև գերանուն-բայ բարդությամբ։ Օրինակ՝ ինքնահավան, ինք-  
նասեր, այլասեր, այլադավան, ինքնակոչ, ինքնարույս։

Գոյականի և ածականի յարդույթունը գործյալ ածական է կազմում, ինչպես՝ լուսապայ-  
ծառ, սրտարաց, դոճրաց, զոնփակ, մարդաշատ, մտամոլոր, ձյունախառն, մարդավայլ, հա-  
ղաթան, պատվարժան, կնամոլ, մարդահան, ճպտակահամար և այլն։

Արդի հայերենում բավական բարդ սլականք ունի որակական ածականի համեմատության  
աստիճանների կազմությունը։ Հայտնի է, որ որակական ածականներն ունեն համեմատության  
երեք աստիճան՝ որական, համեմատական և գերադրական։ Այս երեք աստիճաններով, սակայն,  
չեն սահմանափակվում առարկաների և երևույթների՝ մարդու համար անընդհատ հայտնի դար-  
ձող հատկանիշների տարբեր աստիճաններն ու երանգավորումները։ Բացի որական աստիճա-  
նից, որ նշում է առարկայի որակը առանց համեմատելու այլ առարկաների հետ, համեմատա-  
կան և գերադրական աստիճաններն ունեն զրուեորման բազմազան ձևեր։

Համեմատական աստիճանը, ինչպես հայտնի է, բերականական կատեգորիա է, որ երբեմն  
զրուեորվում է ձևաբանական, երբեմն էլ շարահյուսական միջոցներով։ Հայերենը հին շրջանից  
սկսած աղբատ է քերականական այդ կատեգորիայի զրուեորման ձևաբանական միջոցներից։  
Համեմատության աստիճանները մեծ մասամբ արտահայտվում են շարահյուսական եղանակով։

Ժամանակակից հայերենում իբրև ածականի համեմատության աստիճանների արտահայտ-  
ման ձևաբանական միջոց հանգես ևն գալիս — զույն ածանցը և ամեն — բառը։ Այդպիսի դեր են  
կատարում նաև —վուհ, —աշ ածանցները, սակայն դրանց կիրառությունը սահմանափակված է  
բիշ թվով ածականներով։ Եվ քանի որ հայերենը շուրջ ածականի համեմատության աստիճան-  
ներն արտահայտող ձևաբանական այլ միջոցներ, ուստի հատկանիշի բազմազան երանգավորում-  
ներն ու աստիճաններն արտահայտվում են մի շարք բառերի հարադրությամբ, որոնք տվյալ  
դեպքում փաստորեն վերածվում են ձևաբանական իմաստ զրուեորող խոսքի մասերի։ Այդպիսի  
ֆունկցիա են կատարում բազմաթիվ մակբայներ և ածականներ։

Ստորև այդ մենք ցույց կտանք համեմատության յուրաքանչյուր աստիճանի կազմության  
մասին խոսելիս։

Որակական ածականի համեմատական աստիճանը լինում է նվազական, հավասարական և  
առավելական, իսկ գերադրական աստիճանը լինում է բացարձակ գերադրական, որը ցույց է  
տալիս տվյալ հատկանիշի գերադրական աստիճանը՝ առանց համեմատելու այլ առարկաների  
հետ, և հարաբերական գերադրական, որը նշում է տվյալ հատկանիշի գերազույն աստիճանը՝  
այլ առարկաների նկատմամբ։

Համեմատության այս աստիճանների միջև էլ կան բազմազան աստիճանավորումներ։ Այս-  
պես, առավելական համեմատական աստիճանը կարող է լինել՝ ավելի բարձր, մի քիչ ավելի  
բարձր, բավական բարձր, է՛լ ավելի բարձր, չափից ավելի բարձր (որը մոտենում է գերադրա-  
կանին)։

Նվազական համեմատական աստիճանն արտահայտվում է երկու միջոցով։ Առաջինը՝ քիչ,  
սակավ, պակաս, նվազ, մի փոքր, փոքր-ինչ և նման բառերի հարադրությամբ կազմվող ձևն է։  
Օրինակ՝ «Պետրոս Մինարյանը (այս էր ուղեկցիս անունը) հայոց հոգևոր դպրոցի սան էր, տա-  
կալին երիտասարդ, միջահասակ, փոքր-ինչ թուլակազմ, բայց աշխույժ և գրավչադեմ» (Մու-  
րացյան, Երկեր, IV, 1954, 66)։

«Սա հաղթանդամ, բարձրահասակ, բայց մի փոքր կուրամակ ծերունի էր, մոտավորա-  
պես յոթնասուն տարեկան» (Մուրացյան, IV, 95)։

Նվազական համեմատական զրուեորման մյուս միջոցը ածանցմամբ կազմությունն է։ Այս-  
պես, —վուհ, —ավուհ, —աշ ածանցներով կազմվում են՝ մեծավուհ (մեծին մոտ, ոչ լրիվ մեծ),  
կարեավուհ, կամրավուհ, կանաչավուհ, քրվաշ և այլ ձևեր, որոնք տվյալ ածական-  
ների նվազական համեմատական աստիճանն են զրուեորում։

Հավասարության համեմատական աստիճանը կազմվում է մի շարք ձևերով։ Սովորականն է  
պես, նման, չափ և այլ կապական բառերի ու կապի խնդիրների հարադրմամբ կազմությունը  
ածականի որական աստիճանի հետ։ Սա բոլոր էություն նկարագրական համեմատական է։ Այս-

պես, լինում են՝ քաղաքի պես լուռ, ձկան պես լուռ, ցիցիլի պես անկեղծ, մահվան շափ սառսափիլի, զազանի նման կատաղի և այլն:

«Բայց նա ոչինչ չէր գգում, գգում էր միայն մի բան—սիրունու շափ տենչալի և մահվան շափ անդամադրիլի, գգում էր ծարավ, ոգելից խմիչքի անհուն ծարավ» (Նար-Պոս, Երկերի ժողովածու, I, 1955, 45):

«Բայց Մային ձկան պես լուռ, իր բանին էր» (Նար-Պոս, I, 55):

«...նա ցիցիլի պես անկեղծ էր, լրբի պես համարձակ և երևալի պես անփութ» (Նար-Պոս, II, 465):

«Մի գույգ եղիպտական աղավաղներ, սպիտակ ուրախ ձյուն, բույն էին դրել ուղիղ անձավի մուտքի վերևում, ապառաժի խորին ճեղքվածքի մեջ» (Րաֆֆի, Երկ, ժող., VII, 1956, 224):

«Այդ պահին, ահա, մոմի պես բարակ ու երկարահասակ մի երիտասարդ վախեցած գուրս եկավ չորրորդ խնամանից» (Կ. Սևուց, Թեհրան, I, 7):

«Նա սիրում էր թռչող ձկանները»:

Գիշերի պես խորհրդավոր» (Վ. Տերյան, Երկ, ժող., I, 1950, 12):

Հավասարական համեմատականի այս բաղադրյալ կազմությունը երբեմն վերածվում է բարդ բառի, որտեղ առաջին բաղադրիչ գոյականը ցույց է տալիս համեմատության եզրը, իսկ երկրորդ բաղադրիչը՝ հատկանիշը: Այսպես են կազմված՝ ձյունապարհ (ձյունի շափ, նման ապրանք), հրաշք, հրակամություն, բոցավառ, լուսապայծառ, երկնաքիչ և այլն:

Երբեմն էլ հավասարական համեմատական աստիճան կազմող բառը լինում է ցուցական դերանուն՝ իբրև ձևական անդամ, որի բովանդակությունն արտահայտվում է երկրորդական նախադասությամբ: Որինակ՝

«Այդ բոլորին այնքան զվարճալի արտահայտություն էր ստացել նրա գեմբը, որ ծիծաղս չկարողացա զսպել» (Նար-Պոս, II, 419):

«Նա բաժանվեց ինձից այնքան ուրախ և հանգստացած, որ կարծես այլևս ոչ մի դժբախտություն գոյություն չունի նրա համար աշխարհին երևան» (Նար-Պոս, II, 499):

Առավելական համեմատական աստիճանը, բացի այն ձևերից, երբ ածականի դրական աստիճանը համեմատվող առարկայի բացառականի կամ մեծ մասնադրությամբ հայցականի մոտ է դրվում (վարդանը Պետրոսից մեծ է, Գրիգորը խելոք է, մեծ է Գեորգի), դրսևորվում է սովորաբար ավելի բառի հարադրմամբ՝ դրական աստիճանին (ավելի բարձր, ավելի զեղեցիկ և այլն): Սակայն սա միակ ձևը չէ: Հատկանիշի առավելությունն ունի մի շարք երանգավորումներ, որոնց արտահայտման համար գործածվում են մի քանի ավելի, բավական, բավականին, է՛լ ավելի, առավել, շատ ավելի և այլ բառեր: Նորադրվելով դրական աստիճանին՝ Այսպես, լինում են՝ բավական երկար, համեմատաբար բանկ, փոքր ի շատե խելամաս, առավել գրավիչ և այլն: Որինակ՝

«Իսկ այդ համեմատաբար քանկ ուտելիքները գնելու համար փող միշտ ուներ, որովհետև իր արհեստի մեջ լավ վարպետ էր...» (Նար-Պոս, I, 58—59):

«Այդ տունը կոշվածք մի բավական մեծ խոռոչ էր, որ երբեմն տիրոջ կթան կովերի համար գոմի տեղ էր ծառայում» (Նար-Պոս, I, 56):

Կան նաև համեմատականի ձևեր, որոնք ցույց են տալիս հատկանիշի այնպիսի աստիճան, որը դուրս է համեմատությունից, սակայն և յուրահատուկ համեմատական է: Այսպես են՝ անսովոր լուրջ, արտասովոր ուրախ, արտակարգ զեղեցիկ, անսպասելի զվարթ և այլն:

«Նստեց պատուհանի առջև, մի ծխախոտ հանեց, վառեց և սկսեց ծխել անսովոր ուրջ և ինքն իր մեջ ամփոփված, ինչպես նախորդ գիշերը անդամաժամ մի» (Նար-Պոս, II, 527):

«Աստ, աստ, ևս թեզ լսում եմ,— ասացի ևս շափազանց հետաքրքրված նրա արտասովոր լուրջ տոնից և աչքերի արտահայտությունից տեսնելով, որ վերջապես պիտի պարզվի այն դրվագը, ինչ որ տակավին մութ էր մնում ինձ համար այդ տարօրինակ երիտասարդի մեջ» (Նար-Պոս, II, 534):

Համեմատության երրորդ աստիճանը գերադրականն է, որն իմաստով երկու տեսակ է: Առաջինը հարաբերական գերադրականն է, որը կազմվում է որական և ածականի դրական աստիճանի ձևեր ամեն բառով բարդելով կամ —գույն ածանցի ավելացմամբ: Որինակ՝ ամենաբարձր, բարձրագույն, վեհագույն, ամենասուղիքի և այլն: Հարաբերական գերադրականի համար սովորական է նաև ամենից, յուրորից և առհասարակ համեմատվող առարկաների բացառական հոլովաձևերի հարադրմամբ կազմությունը, ինչպես՝ ամենից խելոք, ամենից բարձր, ամենից երկար, յուրորից ավելի և այլն: Որինակ՝

«Այդ կինը Սեդան էր, թագուհու գործվագութ դայակը, դրսևում եղած կանանց մեջ ամենից բարին և ազնվասիրտը» (Մուրացան, III, 8):

«Ինչո՞ւ սպիտակ կոշիկի այգ տունը,

Ամենից ղեղին տունը աշխարհում» (Ս. Վահունի, Երգերի գիրք, 1949, 58):

Բացարձակ գերադրականը, որը ցույց է տալիս որևէ հատկանիշի բարձրագույն աստիճանը՝ առանց նշելու, ի նկատի ունենալու համեմատովող առարկաները, կազմվում է մի շարք մակրայների, ածականների և այլ խոսքի մասերի հարադրմամբ՝ ածականի գրական աստիճանին: Բոլոր գերադրական կազմող հանդես են գալիս շատ, խիստ, չափազանց, անսահման, վերին աստիճանի, չափից դուրս, բոլորովին, ամբողջովին, սարսափելի, անասելի և այլ բառեր: Օրինակ՝ ունսահման բառի, անչափ գեղեցիկ, անչափ հրապուրիչ, խիստ դուրեկան, չափազանց հետաքրքիր, շատ ուրախ, չափից դուրս երկար, սարսափելի տգեղ և այլն:

«Ասենք այդպիսի վերաբերմունքի բուն պատճառը պետք էր որոնել իրեն իսկ Գարեգինի մեջ, որի անսահման բարի սիրտը, կայտառ հոգին, ոգևորված շատախոսությունը և պարզամիտ փիլիսոփայական հայացքները միշտ այդպիսի վերաբերմունք էին թելադրում փոքր ի շատե խելահաս խոսակցին» (Նար-Նոս, II, 458):

«Տորթը չէր նման հասարակ մարդու,

Այլ մի ածղահա և շատ ահաբեկ» (Ղ. Աղայան, Ընտիր երկեր, 1956, 371):

«Այդպիսի կսկիծով քնից արթնանում են այն մարդիկ, որոնք նախորդ օրը կորցրել են անչափ քանակազին մի բան, կամ գործել են ծանր մի հանցանք» (Ն. Զարյան, Հացավան, 1949, 3):

«Բայց որքան մեծ եղավ մեր զարմանքը, երբ մեծ իշխանը երկու օրից հետո վերադարձավ նույնպես Գարգման, վերին աստիճանի տխուր և հուսահատ» (Մուրացան, III, 88):

«Ցածրահասակ, լղար, ծայր աստիճանի արագաշարժ՝ տեղն ու տեղը կրակ էր Գի.՝Հոռոմ-սիմը» (Նար-Նոս, I, 66):

Գերադրական աստիճանի կարող է արտահայտվել նաև ածականի կրկնությամբ, ընդորոմ կրկնավոր ածականը լինում է և՛ անիսկական, և՛ իսկական բարդություն: Այսպես՝ գերադրական են՝ մեծ-մեծ (շատ մեծ), սուր-սուր (շատ սուր), սև-սև, բարդ-բարդ, կաս-կարմիր, լևի-լեցուն, բարձրաբերձ, խորախոր և այլն: Օրինակներ՝

«Ոչ ոքից չէր վախենում, բացի ոստիկանությունից, որ շատ անգամ կոխել էր նրան մեծ-մեծ մկենքով ի նկուղը և մի քանի անգամ էլ նույնիսկ պրիստավը իր սեփական ձեռքով արյունովիկ էր արել նրա քիթն ու պոչն» (Նար-Նոս, I, 58):

«Բարձր են երկնի ձեղունները, նազելիս,

Բայց իմ սերը բարձրաբարձր է նրանցից,

Խոր են երկրի հիմունքները, նազելիս,

Բայց իմ սերը խորախոր է նրանցից» (Ավ. Խաճակյան, Երկեր, 1955, 136):

Բացարձակ գերադրականի կազմության տարրեր ձևերը պայմանավորված են ածականի իմաստի աստիճանով: Օրինակ՝ շատ բառի հարադրմամբ կազմվող գերադրականը որակի ավելի պակաս գերազանցություն է նշում, քան չափազանց բառի հարադրմամբ կազմվածը:

Հայտնի է, որ հարաբերական ածականները, ի տարբերություն որակական ածականների, չունեն համեմատության աստիճաններ:

Այդ ճիշտ է բուն հարաբերական ածականների վերաբերյալ (արծաթե, երկաթյա, հրեղեն և այլն): Սակայն հատկացական ածականների որոշ մասը, առանձնապես — ական և — ային ածանցներով կազմվածները, ունենում են համեմատության աստիճան՝ գրանով իսկ վերածվելով որակականի: Այսպես, համեմատության աստիճան ունեն՝ բնական, սովորական, մարդկային, բնկերական, բուրեկամական, լական և այլ հատկացական ածականները (գրանցից կազմվում են՝ ավելի բնական — քիչ բնական — շատ բնական, ավելի սովորական — շատ սովորական — ամենատնտեսական, ավելի մարդկային — շատ մարդկային, ավելի բարեկամական — շատ, — խիստ բարեկամական, ավելի լական — ամենալական և այլ ձևեր):

Պետք է նշել, սակայն, որ մի շարք որակական ածականներ չեն ունենում համեմատության աստիճան:

Ինչո՞վ բացատրել դա:

Ամենից առաջ՝ համեմատության աստիճան չունենալը պայմանավորված է տվյալ ածականի բառային իմաստով: Կան ածականներ, որոնց ցույց տված հատկանիշը աստիճանական երանգավորման բնույթ չունի, հետևաբար և նրանցից համեմատության աստիճաններ չեն կարող

կազմվել: Այդ ածականները կարող են լինել ինչպես պարզ, այնպես էլ ածանցավոր և բարդ: Պարզ ածականներից այդպիսին են՝ ամուրի, ազապ, այրի, աշխետ, արու, որձ, բազում, բուն, զույգ, ոսկասար, ստերգ:

Նույնպես համեմատության աստիճաններ չեն կազմվում մի շարք ածանցավոր ածականներից: Առաջին հերթին պետք է նշել գոյականներից ան՝ ժխտական նախածանցով կազմված բազմաթիվ ածականներ, ինչպես՝ անշունչ, անձայն, անամպ, անքիվ, անհատնում, անշուր, անհող, անսաղարք և այլն:

Սակայն այն դեպքերում, երբ ան՝ նախածանցով կազմված ձևում ժխտվող հատկանիշը ոչ թե ֆիզիկական, այլ վերացական է, ածականն ունենում է համեմատության աստիճաններ: Օրինակ՝ անսիրտ — շատ անսիրտ, անխիղճ — ավելի անխիղճ — շատ անխիղճ, անամոք — շատ անամոք և այլն: Օրինակներ՝

«—Վաղո՞ւց է, որ հոգում ես մորս, կնոջս և զավակներս առողջության՝ համար:

— Այն ժամից, պարոն, երբ իմացա, որ դու նրա հետ վարվում ես ամենաանխիղճ կերպով, ամենավերջին կինտոյի պես» (Նար-Դոս, III, 37):

«Դուք, իհարկե, չափազանցում եք, որովհետև, ինչպես տեսնում եմ դեռևս շատ անփորձ եք» (Նար-Դոս, III, 571):

«Ծայրահեղ հուսահատության մեջ կյանքը նրան ներկայանում էր իբրև բոլորովին աննպատակ մի բան...» (Նար-Դոս, III, 583):

Հարկ է նշել, որ ան՝ նախածանցով և ածականով կազմված ածականները նույնպես ունենում են համեմատության աստիճաններ (անզգայուն — շատ անզգայուն, անհաստատ — ավելի ունհաստատ — շատ անհաստատ և այլն):

Համեմատության աստիճան չեն ունենում նաև — վոր, (—ավոր), —ովի վերջածանցներով կազմված բազմաթիվ ածականներ: Այդպես են՝ ատամնավոր, շնչավոր, հրացանավոր, ձայնավոր, պոչավոր, գրավոր և այլն, որոնք ցույց են տալիս որևէ բան ունենալու հատկանիշ, հավաքովի, բնորոշի, ձևոճերովի, չրովի, հնարովի, ծավովի, ցանովի և այլն, որոնք ցույց են տալիս սրևէ գործողությանը ստեղծված հատկանիշ:

Սակայն — վոր ածանցով կազմված շատ ածականներ, որոնք ցույց են տալիս ոչ թե կոնկրետ բան ունենալու, այլ վերացական հատկանիշ, ունենում են համեմատության աստիճան: Օրինակ՝ արժեքավոր — քիչ արժեքավոր — ավելի արժեքավոր — շատ արժեքավոր — ամենաարժեքավոր, կարևոր — քիչ կարևոր — շատ կարևոր — ամենակարևոր, հարկավոր — շատ հարկավոր, հեռավոր — ավելի հեռավոր — շատ հեռավոր — ամենահեռավոր և այլն:

«Դրանից ավելի զորավոր ապացույթ չէր կարող տալ» (Նար-Դոս, III, 31):

«Չնայելով իր հսկա մարմնին, Վահանն ուտում և խմում էր համեմատաբար չափավոր կերպով» (Նար-Դոս, III, 154):

«Սովորական ներկայացումներին հայաց թատրոնի ամենապատվավոր տեղը առաջին կարգերում բազմած են լինում աստված գիտե ինչ միջոցով ներս խցկված ամեն տեսակ երեխաներ...» (Նար-Դոս, III, 68):

«Ուրեմն, ես ուզում էի ասել, որ Ազադին շատ վտանգավոր մարդ է և հիմա էլ ազատ ման է գալիս» (Գ. Սևունց, Թեհրան, I, 152):

Համեմատության աստիճան կազմելու հատկությունից զուրկ են նաև մի շարք բարդ ածականներ: Իրանցից աչքի են զարնում գոյականով, մակբայով և բայարմատով կազմված բազմաթիվ ածականներ, ինչպես՝ արհայաշեն, սյունազարդ, մայրապատ, պարսպապատ, ոսկեզօծ, ծաղկատար, բլուրատար, մսակեր, երկնահաս, երկնառափ, տնարույս, մշտաժպիտ, հանդիպակաց, կիսաշեն, նորավարտ, եղբայրասպան և այլն, որոնց առաջին բաղադրիչը երկրորդի խոնդիրը կամ պարագան է լինում:

Սակայն գոյականով, մակբայով, բայարմատով կազմված բազմաթիվ ածականներ ունեն համեմատության աստիճաններ, ինչպես՝ հայրենասեր — ավելի հայրենասեր — շատ հայրենասեր, ազգատյաց — ավելի ազգատյաց — խիստ ազգատյաց, արագավազ — ավելի արագավազ — շատ արագավազ և այլն:

Համեմատության աստիճան չունեն նաև այնպիսի բարդ ածականներ, որոնց առաջին բաղադրիչը (մեծ մասամբ գոյական) երկրորդ՝ ածական բաղադրիչի խնդիրն է: Այսպես են՝ կարկտախառն, ձյունախառն, անձրևախառն, արյունախառն, ոտաբորիկ, զլխաբաց, մսագլուխ, մսագուրկ և այլն:

Իազմությամբ բարդ այն ածականները, որոնց երկրորդ բաղադրիչն են կերպ, ձև, նման և այս կարգի բառեր, նույնպես չեն ունենա համեմատության աստիճաններ: Այսպես են՝ մարդանման, հեռանման, սատանայակերպ և այլն:

Այսպես են նաև կես բառով բարդված ածականները՝ կիսախաբխով, կիսավարտ, կիսավեր, կիսախավար և այլն:

Համեմատության աստիճաններ համարյա չեն ունենում դույն ցույց տվող այն բարդ ածականները, որոնց երկրորդ բաղադրիչն է զույս բառը՝ մոխրագույն, երկնագույն, մաշիշակագույն, դարչնագույն, ծիածնագույն, վարդագույն, նահնգագույն, ոսկեգույն, արծաթագույն, պողպատագույն և այլն: Սակայն սրանք ունեն նաև դույնի խտության երանգներն արտահայտող ձևեր, որոնք կազմում են բաց և մուգ ածականների հարադրմամբ: Օրինակ՝ բաց վարդագույն, մուգ դարչնագույն և այլն:

Համեմատության աստիճան չի ունենում նաև զրաբարյան անցյալ և ապառնի դերբայական ձևերի քարացմամբ առաջացած ածականների զգալի մասը:

Այսպես են՝ հիշյալ, անցյալ, ստուգյալ, կարծեցյալ, բաժանելի, բուժելի և այլն: Սրանց համեմատության աստիճան չունենալը պայմանավորված է բառային իմաստով: Սակայն կան նույն ծագումն ունեցող մի շարք ածականներ (ավելի շատ՝ ապառնի դերբայից ստացված), որոնք ունեն համեմատության աստիճաններ: Այդպես են՝ սիրելի, ատելի, ցանկալի, բաղձալի, մատչելի, վստահելի, հասկանալի, բմբռնելի, կատարյալ և այլն: Դրանցից կազմված են՝ բիշ սիրելի — ավելի սիրելի — շատ սիրելի — ամենասիրելի, մատչելի — բիշ մատչելի — շատ մատչելի — ամենամատչելի, կատարյալ — ավելի կատարյալ — ամենից կատարյալ, ամենակատարյալ և այլն: Օրինակ՝

«Համենայն դեպս, թույլ տվեք ձեզ նկատեմ, պարոն Շահյան, դուր շատ զարմանալի երիտասարդ եք երևում» (Նար-Դոս, III, 571):

«Այդ բանը խիստ հաճելի էր Շահյանի համար...» (Նար-Դոս, III, 571):

«Վերին աստիճանի խղճալի տպավորություն էր գործում նա իր ցամաքած աչքերով և սառած դեմքով...» (Նար-Դոս, III, 599):

Դերբայական ծագում ունեցող ածականները հաճախ ունենում են պարագայական լրացում, որն արտահայտվում է մակրայով, ածականով կամ այլ խոսքի մասով: Օրինակ՝ հեշտ բուժելի, դժվար հասկանալի, սովորական աչքով անտեսանելի, արտաբնական մատչելի, արտաբնական զրավիշ և այլն: Այս լրացումները բխում են համապատասխան ածականների բայական բնույթից: Սակայն երբեմն այլ ծագում ունեցող ածականներ ևս ունենում են նման լրացումներ: Օրինակ՝ ֆիզիկապես առողջ, հոգեպես կայտառ, արտաբնական զվարթ և այլն:

«Իսկ դեմքը նույն ֆիզիկապես առողջ, կլորիկ, լեցուն դեմքն էր, առանց, սակայն, առնական արտահայտության» (Նար-Դոս, II, 416):

«Առաջին անգամն էր, որ այդ միշտ խանդավառ, միշտ կենսուրախ, միշտ անհոգ երիտասարդին տեսնում էի այնքան դառնորեն լալիս» (Նար-Դոս, II, 498):

Ածականների այս լրացումները, որոնք սակավ են պատահում, պայմանավորված են այդ ածականների՝ ստորոգելիական վերագրի կիրառությամբ:

Կան նաև ածականներ, որոնք ունենում են խնդիրներ: Այդպես են՝ ինձ, քեզ ծանոթ, մի բանի արժանի, անարժան, ջրով, հողով լի և այլն: Օրինակներ՝

«...այդ էր պատճառը, որ այդ պերճահասակ, վեհազեմ, դյուցազնոգի և քաջությամբ ու իմաստությամբ այնքան հառաչադեմ արքայազնի հանդիպումն ինձ չճշեց» (Մուրացան, III, 61):

«Ին ֆիզիկական ուժի վրա վստահ մարդու հանգստությունը նա մոտեցավ, մի ձեռքը գցեց դռան տակը, ուր տախտակներից մեկի ծայրն անձրևներից փռել էր, մյուսով բռնեց փականքից, բարձրացրեց և մի անգամից դուռը կրկնապես ներս շարժեց խրճիթը» (Նար-Դոս, I, 22):

«Անիծելիս շատ անգամ կատարյալ բանաստեղծ էր դառնում. այնպիսի հզոր և ազդու, երբեմն և կնոջ բերանին անսազ անեծքներ ու հայհոյանքներ հորինում, որ ոչ ոք ոչ մի տեղ չէր լսել» (Նար-Դոս, I, 65):

«Նա մի առանձին հպարտություն էր զգում, որ այդքան հաց ու պանիր էր բերել իրենց ծանոթ մի հարուստ բնտանիքից» (Նար-Դոս, I, 91):

«Հայրը խստաբարո և կրոնասեր մարդ էր, թեև տերտերներին ատելով ատում էր, համարելով նրանց իրենց կոչմանն անարժան մարդիկ» (Նար-Դոս, II, 426):

«Ջրով լի զգմասրվակը, որ դրած էր սեղանի վրա, լրացնում էր այդ անշուք բնակարանի չքավոր կարասիների թիվը» (Րաֆֆի, VII, 224):

«Դասախոսությամբ իսկապես հետաքրքրվողներին խառնվել էին նաև պատահական, անա-  
րանների սիրահար մարդիկ» (Գ. Սևունց, Թեհրան, 1, 15):

Երբեմն էլ ածականի խնդիրը կարող է բարդվել ածականի հետ՝ իբրև առաջին բաղադրիչ:  
Օրինակ՝ հողախառն, մաղվալայել, մտավաթ, ջրալատ, մաղահան, կնահան և այլն:

#### К ВОПРОСУ ОБ ОБРАЗОВАНИИ ИМЕН ПРИЛАГАТЕЛЬНЫХ В СОВРЕМЕННОМ АРМЯНСКОМ ЯЗЫКЕ

В. А. КОСЯН

(Резюме)

В современном армянском литературном языке имя прилагательное по своему образованию представляет систему разнообразных лексико-грамматических форм.

Неоднородность морфологической структуры имен прилагательных на современном этапе развития армянского языка обусловлена спецификой грамматического строя современного армянского языка, сочетающего в себе морфологическо-синтаксические формы древнеармянского (грабара) и разговорного языков.

Изучение морфологической структуры имен прилагательных чрезвычайно важно, с одной стороны, для составления академической грамматики современного армянского языка, с другой стороны, для преподавания этой дисциплины в вузах и отчасти в школах.

В этой статье нами изучены различные морфологическо-словообразовательные формы имен прилагательных, их префиксальное, суффиксальное образования, а также формы, образующиеся путем словосложения.

В статье показаны морфологическо-лексические связи имен прилагательных с другими частями речи армянского языка.

Рассматривается также вопрос об образовании форм степеней сравнения качественных прилагательных. Исследованием устанавливаются те семантические группы прилагательных, от которых не образуются формы степеней сравнения, что обусловлено или значением, или же морфологической структурой данной группы прилагательных. Отмечаются также семантические группы относительных прилагательных, образующих формы степеней сравнения и тем самым превратившихся в качественные.